

“ЖАРҚҮРҒОН ПАХТА ТОЗАЛАШ” АКЦИЯДОРЛИК ЖАМИЯТИ АКЦИЯДОРЛАРИНИНГ ЙИЛЛИК УМУМИЙ ЙИҒИЛИШИ 1-СОН БАЁННОМАСИ

**Сурхондарё вилояти,
Жарқўрғон тумани, Толачи кўчаси 35-уй**

2020 йил 12 август

Умумий йиғилишнинг ўтиш жойи: Сурхондарё вилояти, Жарқўрғон тумани, Толачи кўчаси 35-уй, “Жарқўрғон пахта тозалаш” АЖ маъмурий биносининг мажлислар зали.

Акциядорларни рўйхатдан ўтказиш бошланган вақт: **09:00**

Акциядорларни рўйхатдан ўтказиш тугаган вақт: **09:50**

Акциядорлар умумий йиғилиш бошланган вақт: **10:00**

Жамиятнинг овоз берувчи акцияларига эгалик қилувчи акциядорлар эга бўлган овозларнинг умумий сони – 5 034 990.

“Жарқўрғон пахта тозалаш” АЖ акциядорларининг навбатдаги йиллик умумий йиғилиши (келгусида матн давомида - Йиғилиш) жамият бош директорининг 2020 йил 15 июлдаги 01-08/34-сонли таклифи инobatга олинib, кузатув кенгаши томонидан 2020 йил 21 июлда қабул қилинган қарорга мувофиқ 2020 йил 12 августда ўтказилиши белгиланган.

Йиғилишда иштирок этиш ҳуқуқига эга акциядорлар реестри тузилган сана – 2020 йил 07 август.

Жамият кузатув кенгашининг 2020 йил 21 июлда ўтказилган йиғилишида акциядорларнинг навбатдан ташқари умумий йиғилишида қатнашиш ваколати “Сурхондарёпахтасаноат” ХАБ АЖ бошқарув раиси в.в.б. Ш.Курбановга берилган.

Акциядорлар томонидан очик овоз бериш йўли билан бир овоздан йиғилиш раёсатига қуйидагилар сайланди:

1.Курбанов Шамситулла Аллаевич – “Сурхондарёпахтасаноат” ХАБ АЖ бошқарув раиси вазифасини вақтинча бажарувчи - Йиғилишда раислик қилувчи;

2.Гулямов Нигматулло Кадирович – “Сурхондарё минтакавий пахта терминали” МЧЖ қимматли қоғозлар бўйича иқтисодчиси, Кузатув кенгаш аъзоси.

3.Абдурахмонов Мухиддин Рахматуллаевич – жамият Кузатув кенгаш аъзоси.

Йиғилиш котиби этиб Ш.Баратов–жамиятнинг акциядорлар билан корпоратив муносабатлар хизмати бошлиги сайланди.

Йиғилишни, йиғилишда раислик қилувчи Ш.Курбанов очди ва акциядорлар ҳамда йиғилиш қатнашчиларини кутлаб, йиғилиш кворуми бўйича ахборот бериш учун сўзни санок комиссияси аъзоси Ш.Баратовга берди.

Санок комиссияси ахбороти:

Қимматли қоғозлар Марказий Депозитарийси томонидан 2020 йил 07 август ҳолатига шакллантирилган “Жарқўрғонпахта тозалаш” акциядорлик жамияти акциядорлар реестрига мувофиқ, йиғилишда овоз бериш учун 797 та акциядорга тегишли 5 034 990 дона акциялар қатнашиши мумкин. Акциядорларни рўйхатдан ўтказиш вақти тугаганда, умумий миқдорда 4 057 610 дона овоз берувчи акцияларга эга бўлган 13 та акциядор (унинг вакили) рўйхатдан ўтди. Бу эса умумий овоз берувчи акцияларнинг 80,59 % ни ташкил этади ва йиғилиш ваколатли (кворумга эга) ҳисобланади.

Йиғилишга таклиф этилганлар:

1.Худайкулов Джаманазар Раджабович–жамият бош директори в.в.б;

2.Исломов Акмал Хакимович – жамият тафтиш комиссияси раиси;

3.Р.Турсунов – жамиятнинг молиявий масалалар бўйича директор-бош бухгалтер;

Йиғилишда раислик қилувчи Ш. Курбанов йиғилиш кун тартибини эълон қилди.

КУНТАРТИБИ:

1. Санок комиссияси аъзолари сони ва шахсий таркибини тасдиқлаш.
 2. Акциядорларнинг йиллик умумий йиғилишининг регламентини тасдиқлаш.
 3. Жамиятнинг 2019 йил якуни ва бизнес режаси кўрсаткичларини бажарилиши бўйича жамият Бош директорининг ҳисоботини эшитиш.
 4. Жамиятнинг 2019 йил якуни бўйича йиллик бухгалтерия баланси ва молиявий натижаларини тасдиқлаш.
 5. Жамиятнинг 2019 йил якуни бўйича молия-хўжалик фаолиятини текшириш якунларига кўра тафтиш комиссияси ҳулосасини тасдиқлаш.
 6. Жамият кузатув кенгашининг 2019 йилдаги фаолияти бўйича ҳисоботини эшитиш.
 7. Жамиятнинг 2019 йил якунлари бўйича аудиторлик ташкилотларининг ҳулосаларини тасдиқлаш.
 8. Жамиятнинг 2019 йил якуни бўйича корпоратив бошқарув тизимини баҳолаш ҳисоботини тасдиқлаш.
 9. Жамиятнинг 2019 йил якуни бўйича олинган соф фойдасини тақсимлаш.
 10. Жамият ижроия органи раҳбари билан тузилган меҳнат шартномасининг муддатини узайтиришни кўриб чиқиш.
 11. Жамиятнинг 2020 йил молия-хўжалик фаолияти якуни бўйича аудиторлик текширувини, шу жумладан Халқаро стандартларга мувофиқ тузилган молиявий ҳисоботларнинг Халқаро аудит стандартларга мувофиқ аудиторлик текширувини ўтказиш тўғрисида, аудиторлик ташкилотини ва унинг хизматларига тўланадиган ҳақнинг энг кўп миқдорини белгилаш.
 12. Жамиятнинг 2020 йил учун мўлжалланган бизнес-режасини тасдиқлаш.
 13. Жамият кузатув кенгаши аъзоларини сайлаш.
 14. Жамият тафтиш комиссияси аъзоларини сайлаш.
 15. Жамият активларидан самарали фойдаланишни ташкил этиш, жумладан мулкларни оммавий савдоларда сотиш, маҳаллий ҳокимият ёки давлат бошқарув органлари балансига ўтказиш тўғрисида.
 16. Жамиятнинг аффилланган шахслари билан келгусида жамият томонидан кундалик хўжалик фаолияти жараёнида акциядорларнинг кейинги йиллик умумий йиғилишигача бўлган даврда тузилиши мумкин бўлган битимларни тасдиқлаш.
 17. Жамият томонидан 2019 йил давомида амалга оширилган ҳомийлик ва беғараз ёрдамларни тасдиқлаш ҳамда жамият харажатиغا олиб бориш.
 18. Қонунчиликда белгиланган даъво муддати ўтган жамиятнинг дебиторлик ва кредиторлик қарздорликларини ҳисобдан чиқаришни кўриб чиқиш ҳамда бухгалтерия ҳужжатларда тегишли ёзувларни киритиш.
- Кун тартиби эълон қилинганидан сўнг, муҳокамага ўтилди.

Кун тартибидаги биринчи масала бўйича йиғилишда раислик қилувчи Ш.Курбанов сўзга чиқиб, “Акциядорлик жамиятлари ва акциядорларнинг

ҳуқуқларини ҳимоя қилиш тўғрисида”ги Ўзбекистон Республикаси Қонунининг 66-моддасига асосан овозларни санаб чиқиш, акциядорларнинг умумий йиғилишида иштирок этиши учун акциядорларни рўйхатга олиш, шунингдек овоз бериш бюллетенларини тарқатиш учун жамият кузатув кенгаши томонидан санок комиссияси тузилиб, унинг аъзолари сони ва шахсий таркиби акциядорларнинг умумий йиғилиши томонидан тасдиқланишини айтди.

Шунга асосан, жамият кузатув кенгашинининг 2020 йил 21 июлдаги йиғилиш қарорига кўра санок комиссияси таркибига жамиятнинг Акциядорлар билан корпоратив муносабатлар хизмати бошлиғи – Баратов Шаймардон Суюнович, жамият бош бухгалтер ёрдамчиси Хонимкулов Соатмурод, жамият иш хақи бўйича ҳисобчи – Кулмуминов Жовли Кулашаровичлар номзодларини киритиш таклифи берилган бўлиб, жамият акциядорларидан санок комиссияси сони ҳамда таркибини тасдиқлаш масаласи бўйича ўз муносабатларини бюллетен орқали овоз беришларини сўради.

Ушбу масала юзасидан овоз бериш натижалари:

**Ёқлайман – 4 057 610 та овоз, Қарши – йўқ, Бетараф – йўқ.
Нотўғри тўлдирилган бюллетенлар йўқ.**

Кун тартибидаги биринчи масала бўйича акциядорларнинг йиллик умумий йиғилиши қарор қилади:

1. Уч кишидан иборат қуйидаги таркибдасанок комиссияси тасдиқлансин:

- 1) Баратов Шаймардон Суюнович;
- 2) Хонимкулов Соатмурод Эшмуминович;
- 3) Кулмуминов Жовли Кулашарович.

2. Санок комиссияси аъзоларига бажарган ишлари билан боғлиқ харажатларни қоплаш мақсадида бир йилда бир марта энг кам ойлик иш ҳақининг 5 баробари миқдорида рағбаатлантирилсин.

Кун тартибидаги иккинчи масала бўйича йиғилишда раислик қилувчи Ш.Курбанов сўзга чиқиб, йиғилиш регламентини йиғилиш қатнашчиларига ўқиб эшиттирди. Мазкур йиғилиш кун тартибида 18 та масала кўрсатилганлигини ва ҳар бир масала бўйича маърузачига - 5 (беш) дақиқадан, муҳокама учун - 5 (беш) дақиқача вақт ажратилиши мақсадга мувофиқ эканлигини айтиб, жамият акциядорларидан акциядорларнинг йиллик умумий йиғилиши регламентини ушбу таклиф бўйича тасдиқлаш масаласига ўз муносабатларини бюллетенда овоз бериш орқали билдиришларини сўради.

Ушбу масала юзасидан овоз бериш натижалари:

**Ёқлайман – 4 057 610 та овоз, Қарши – йўқ, Бетараф – йўқ.
Нотўғри тўлдирилган бюллетенлар йўқ.**

Кун тартибидаги иккинчи масала бўйича акциядорларнинг йиллик умумий йиғилиши қарор қилади:

1. Жамият акциядорларининг йиллик умумий йиғилишининг регламенти тасдиқлансин.

Кун тартибидаги учинчи масала бўйича жамият ижроия органи раҳбари-бош директор в.в.б Д.Худайкулов сўзга чиқиб, 2019 йилдаги фаолияти бўйича ҳисобот берди (ҳисобот 1-илова қилинади).

Хисоботда жамиятни ривожлантириш стратегиясига эришиш бўйича кўрилатган чора-тадбирлар, ишлаб чиқариш, молиявий-хўжалик фаолияти ва бизнес-режа бажарилиши тўғрисидаги кўрсаткичлар ҳамда ишчи-хизматчиларни ижтимоий химоялаш бўйича амалга оширилган ишлар ўз аксини топган.

Йиғилиш катнашчилари томонидан жамият бош директорининг 2019 йилдаги фаолияти бўйича ҳисоботи муҳокама қилиниб, йўл қўйилган камчиликлар юзасидан бош директор в.в.б Д.Худайкуловга тегишли топшириқлар берилди.

Йиғилишда раислик қилувчи Ш.Курбанов акциядорлардан бош директорнинг 2019 йилдаги фаолиятига баҳо бериш ва унинг ҳисоботини маълумот учун қабул қилиш масаласи бўйича ўз муносабатларини бюллетенда овоз бериш орқали билдиришларини сўради.

Ушбу масала юзасидан овоз бериш натижалари:

Ёқлайман – 4 057 610 та овоз, Қарши – йўқ, Бетараф – йўқ. Нотўғри тўлдирилган бюллетенлар йўқ.

Кун тартибидаги учинчи масала бўйича акциядорларнинг йиллик умумий йиғилиши қарор қилади:

1. Жамият ижроия органи раҳбарининг 2019 йилдаги фаолияти қониқарли деб топилсин ва ҳисоботи маълумот учун қабул қилинсин.

Кун тартибидаги тўртинчи масала бўйича йиғилишда раислик қилувчи Ш.Курбанов жамият ҳисоб рақамида эркин маблағ бўлмаганлиги сабабли аудиторлик хизматлари учун тегишли шартномага асосан маблағлар ўтказиб берилмаганлиги учун аудиторлик ташкилотлари томонидан 2019 йил якуни бўйича аудитор хулосаси тақдим этилмаганлигини маълум қилди.

Шу сабабли ушбу масала жамият акциядорларининг кейинги, яъни йиллик умумий йиғилишида кўриб чиқилиши ҳақида маълум қилди

Ушбу масала юзасидан овоз бериш натижалари:

“Ёқлаганлар” – йўқ; “Қаршилар” – йўқ; “Бетарафлар” – йўқ.

Нотўғри тўлдирилган бюллетенлар 1 453 930 та овоз.

Кун тартибидаги тўртинчи масала бўйича акциядорларнинг йиллик умумий йиғилиши қарор қабул қилмади:

Кун тартибидаги бешинчи масала бўйича йиғилишда раислик қилувчи Ш. Курбанов жамиятнинг молиявий масалалар бўйича директори Р. Турсуновга сўз берди.

Р.Турсунов жамиятнинг 2019 йил якунлари бўйича молия-хўжалик фаолиятини текшириш якунларига кўра тайёрланган тафтиш комиссияси хулосасини ўқиб эшиттирди хулоса 2-илова қилинади).

Йиғилишда раислик қилувчи Ш. Курбанов акциядорлардан жамият тафтиш комиссиясининг хулосасини маълумот учун қабул қилишни таклиф этди ва ўз муносабатларини бюллетенда овоз бериш орқали билдиришларини сўради.

Ушбу масала юзасидан овоз бериш натижалари:

“Ёқлаганлар” – 4 057 610 та овоз; “Қаршилар” – йўқ; “Бетарафлар” – йўқ.

Нотўғри тўлдирилган бюллетенлар йўқ.

Кун тартибидаги бешинчи масала бўйича акциядорларнинг йиллик умумий йиғилиши қарор қилади:

1. Жамиятнинг 2019 йил якунлари бўйича молия-хўжалик фаолиятини текшириш якунларига кўра тузилган Тафтиш комиссиясининг хулосаси маълумот учун қабул қилинсин.

Кун тартибидаги олтинчи масала бўйича Кузатув кенгаши аъзоси Н. Гулямов сўзга чиқиб, йиғилиш қатнашчиларига кузатув кенгашининг 2019 йилдаги фаолияти бўйича ҳисоботини ўқиб эшиттирди (ҳисобот 3-илова қилинади).

Ҳисоботда асосан кузатув кенгаши томонидан жамиятни ривожлантириш стратегиясига эришиш бўйича кўрилатган чора-тадбирлар, ўтказилган йиғилишлар, йиғилишларда қабул қилинган қарорлар ўз аксини топган.

Йиғилишда раислик қилувчи Ш. Курбанов акциядорлардан жамият кузатув кенгашининг 2019 йилдаги фаолияти бўйича ҳисоботини маълумот учун қабул қилиш масаласи бўйича ўз муносабатларини бюллетенда овоз бериш орқали билдиришларини сўради.

Ушбу масала юзасидан овоз бериш натижалари:

“Ўқлаганлар” – 4 057 610 та овоз; “Қаршилар”- йўқ; “Бетарафлар”- йўқ.

Нотўғри тўлдирилган бюллетенлар йўқ.

Кун тартибидаги олтинчи масала бўйича акциядорларнинг йиллик умумий йиғилиши қарор қилади:

1. Жамият кузатув кенгашининг 2019 йилдаги фаолияти бўйича ҳисоботи маълумот учун қабул қилинсин.

Кун тартибидаги еттинчи масала бўйича йиғилишда раислик қилувчи Ш. Курбанов акциядорлардан 2019 йил молия-хўжалик фаолияти якуни бўйича аудиторлик ташкилотларининг тегишли хулосалари олинмаганлиги сабабли кун тартибидаги еттинчи масала жамият акциядорларининг келгуси йиғилишида, яъни навбатдан ташқари умумий йиғилишида кўриб чиқилишини ва ушбу масала бўйича овоз бериш бюллетенларига овоз берилмаслигини таклиф қилди.

Ушбу масала юзасидан овоз бериш натижалари:

“Ўқлаганлар” – йўқ; “Қаршилар”- йўқ; “Бетарафлар”- йўқ.

Нотўғри тўлдирилган бюллетенлар йўқ.

Кун тартибидаги еттинчи масала бўйича акциядорларнинг йиллик умумий йиғилиши қарор қабул қилмади.

1. Жамиятнинг 2019 йил якунлари бўйича аудиторлик ташкилотларининг хулосалари олингандан сўнг жамият акциядорларининг кейинги, яъни навбатдан ташқари умумий йиғилишида кўриб чиқилсин.

Кун тартибидаги саккизинчи масала бўйича йиғилиш раиси Ш. Курбанов сўзни жамият бош директори в.в.б Д. Худайкуловга берди.

Д. Худайкулов жамиятнинг 2019 йил якунлари бўйича корпоратив бошқарув тизимини мустақил баҳолаш – “LEADER FINANCE” масъулияти чекланган жамияти томонидан ўтказилганлигини маълум қилиб, жамият ҳисоб рақамида эркин маблағ бўлмаганлиги сабабли корпоратив бошқарув тизимини баҳолаш хизмати учун

"LEADER FINANCE" МЧЖга тегишли шартномага асосан маблағлар ўтказиб берилмаганлиги сабабли баҳолаш хисоботи тақдим этилмаганлигини маълум қилди.

Йиғилишда раислик қилувчи Д.Худайкулов акциядорлардан 2019 йил якунлари бўйича корпоратив бошқарув тизимини мустақил баҳолашнинг тегишли хулосаси олинмаганлиги сабабли кун тартибидаги саккизинчи масала жамият акциядорларининг келгуси навбатдан ташқари умумий йиғилишида кўриб чиқишини ва ушбу масала бўйича овоз бериш бюллетенларига овоз берилмасликни таклиф қилди.

Ушбу масала юзасидан овоз бериш натижалари:

“Ёқлаганлар” – йўқ; “Қаршилар”- йўқ; “Бетарафлар”- йўқ.

Нотўғри тўлдирилган бюллетенлар 1 453 930 та овоз.

Кун тартибидаги саккизинчи масала бўйича акциядорларнинг йиллик умумий йиғилиши қарор қабул қилмади.

1. Жамиятнинг 2019 йил якунлари бўйича корпоратив бошқарув тизимини мустақил баҳолашхисоботи олингандан сўнг жамият акциядорларининг кейинги, яъни навбатдан ташқари умумий йиғилишида кўриб чиқилсин.

Кун тартибидаги тўққизинчи масала бўйича йиғилишда раислик қилувчи Ш. Курбанов ўз сўзида 2019 йил якуни бўйича Миллий ва Халқаро стандартларга мувофиқ аудиторлик хулосалари олинмаганлиги сабабли “Жарқўрғон пахта тозалаш” АЖ томонидан 2019 йил якуни бўйича олинган соф фойда тақсимооти жамият акциядорларининг келгуси йиғилишида, яъни навбатдан ташқари умумий йиғилишида кўриб чиқишини ва ушбу масала бўйича овоз бериш бюллетенларига овоз берилмасликни таклиф қилди.

Ушбу масала юзасидан овоз бериш натижалари:

“Ёқлаганлар” – йўқ; “Қаршилар”-; “Бетарафлар”- йўқ.

Нотўғри тўлдирилган бюллетенлар 1 453 930 та овоз.

Кун тартибидаги тўққизинчи масала бўйича акциядорларнинг йиллик умумий йиғилиши қарор қабул қилмади.

1. Жамиятнинг 2019 йил якунлари бўйича аудиторлик ташкилотларининг хулосалари олингандан сўнг жамият акциядорларининг кейинги, яъни навбатдан ташқари умумий йиғилишида жамият томонидан 2019 йил якуни бўйича олинган соф фойда тақсимооти кўриб чиқилсин.

Кун тартибидаги ўнинчи масала бўйича йиғилишда раислик қилувчи Ш.Курбанов сўзга чиқиб жамиятнинг кузатув кенгашининг 2019 йил 13 июлдаги қарори билан юклатилган ижроия органи раҳбари Худайкулов Джаманазар Раджабович билан меҳнат шартномасини бир йил муддатга узайтириш масаласи бўйича йиғилиш қатнашчиларига ўз муносабатларини бюллетенда овоз бериш орқали билдиришларини сўради.

Ушбу масала юзасидан овоз бериш натижалари:

“Ёқлаганлар” –2 603 680 та овоз; “Қаршилар”–1 104 490 та овоз; “Бетарафлар”–349 440 та овоз.

Нотўғри тўлдирилган бюллетенлар йўқ.

Кун тартибидаги ўнинчи масала бўйича акциядорларнинг йиллик умумий йиғилиши қарор қилади:

1. Жамият ижроия органи раҳбари билан тузилган меҳнат шартномасининг муддатини бир йилга узайтирилсин.

Кун тартибидаги Ҳн биринчи масала бўйича йиғилишда раислик қилувчи Ш. Курбанов сўзга чиқиб, жамиятда 2020 йил якуни бўйича аудиторлик текширувини шу жумладан халқаро стандартларга мувофиқ тузилган молиявий ҳисоботларнинг халқаро аудит стандартларига мувофиқ ташқи аудиторлик текширувидан ўтказиш учун аудиторлик ташкилотларидан жамиятга келиб тушган куйидаги тижорат таклифлари билан йиғилиш қатнашчиларини таништирди:

T/p	Аудиторлик ташкилотининг номи	Мурожаат санаси ва рақами	Миллий стандартлар бўйича аудиторлик текшируви учун (минг сўм)	Халқаро молиявий ҳисобот стандартлари бўйича аудиторлик текшируви учун (минг сўм)
1	“XIMOYA-AUDIT” МЧЖ	18.05.2020 й. № 27/2 ва 17.05.2020 й. № 28/2	5500,0	5000,0
2	“BALANS-INFORM-AUDIT” МЧЖ	17.05.2020 й. № 05/11	5500,0	5500,0
3	"Мустакил-М" МЧЖ	18.05.2020 й. № 12 ва № 12/1	7000,0	6500,0

Муҳокама давомида жамият бош ҳисобчиси Р. Турсунов жамиятга келиб тушган тижорат таклифларни инобатга олган ҳолда, ташқи аудиторлик текширувини ўтказиш учун аудиторлик ташкилотлари орасидан малакали мутахассисларга ҳамда энг қулай нархларга эга бўлган аудиторлик ташкилотини танлаш зарурлигини билдирди.

Шундан сўнг, йиғилишда раислик қилувчи Ш. Курбанов акциядорларидан 2020 йил якуни бўйича аудиторлик текширувини шу жумладан халқаро стандартларга мувофиқ тузилган молиявий ҳисоботларнинг халқаро аудит стандартларига мувофиқ аудиторлик текширувидан ўтказиш тўғрисида, аудиторлик ташкилотини ва унинг хизматларига тўланадиган ҳақнинг энг кўп миқдорини белгилаш масаласи бўйича ўз маносабатларини бюллетен орқали овоз беришларини сўради.

Ушбу масала юзасидан овоз бериш натижалари:

“XIMOYA AUDIT” МЧЖ - Миллий аудит стандартларига мувофиқ аудиторлик текширувини ўтказиш учун:

“Ёклаганлар” – 2 603 680 та овоз; “Қаршилар”- йўқ; “Бетарафлар”- йўқ.

Нотўғри тўлдирилган бюллетенлар - 1 453 930 та овоз.

-Халқаро аудит стандартларига мувофиқ аудиторлик текширувини ўтказиш учун:

“Ёклаганлар” –йўқ; “Қаршилар”- йўқ; “Бетарафлар”- йўқ.

Нотўғри тўлдирилган бюллетенлар 1 453 930 та овоз.

“Мустакил-М” МЧЖ - Миллий аудит стандартларига мувофик аудиторлик текширувини ўтказиш учун:

“Ёклаганлар” – йўқ; “Қаршилар”- йўқ; “Бетарафлар”- йўқ.

Нотўғри тўлдирилган бюллетенлар 1 453 930 та овоз.

Халқаро аудит стандартларига мувофик аудиторлик текширувини ўтказиш учун:

“Ёклаганлар” – йўқ; “Қаршилар”- йўқ; “Бетарафлар”- йўқ.

Нотўғри тўлдирилган бюллетенлар 1 453 930 та овоз.

“BALALANS-INFORUM-AUDIT” МЧЖ - Миллий аудит стандартларига мувофик аудиторлик текширувини ўтказиш учун:

“Ёклаганлар” – йўқ; “Қаршилар”- йўқ; “Бетарафлар”- йўқ.

Нотўғри тўлдирилган бюллетенлар 1 453 930 та овоз.

-Халқаро аудит стандартларига мувофик аудиторлик текширувини ўтказиш учун:

“Ёклаганлар” – 2 603 680 та овоз; “Қаршилар”- йўқ; “Бетарафлар”- йўқ.

Нотўғри тўлдирилган бюллетенлар 1 453 930 та овоз.

Кун тартибидаги ўн биринчи масала бўйича акциядорларнинг йиллик умумий йиғилиши қарор қилади:

1. 2020 йил якуни бўйича аудиторлик текширувини:

-Миллий аудит стандартларига мувофик аудиторлик текширувини ўтказиш учун “НIMOYA AUDIT” МЧЖ аудиторлик ташкилоти таълансин ва унинг хизматларига тўланадиган ҳақнинг миқдори – 5 500,0 минг сўм белгилансин;

-Халқаро аудит стандартларига мувофик аудиторлик текширувини ўтказиш учун “BALALANS-INFORUM-AUDIT” МЧЖ аудиторлик ташкилоти таълансин ва унинг хизматларига тўланадиган ҳақнинг миқдори- 5 500,0 минг сўм белгилансин.

2. Жамият ижроия органи раҳбарига:

-юқорида кўрсатилган аудиторлик ташкилотлари билан белгиланган тартибда шартномаларни тузсин;

-қонунчиликда белгиланган муддатларда жамият Акциядорларнинг умумий йиғилиши ва кузатув кенгашига аудиторлик текшируви натижалари бўйича ҳисобот ва хулосаларни киритсин.

Кун тартибидаги ўн иккинчи масала бўйича жамият молиявий масалалар бўйича директори в.в.б Д.Худайкуловга сўз берилди ва у йиғилиш иштирокчилари эътиборига жамиятнинг 2020 йил учун мўлжалланган бизнес-режаси билан йиғилиш қатнашчиларини таништирди (бизнес-режа 4-илова қилинади).

Йиғилишда раислик қилувчи Ш.Қурбанов акциядорлардан жамиятнинг 2020 йил учун мўлжалланган бизнес-режасини тасдиқлаш масаласи бўйича ўз муносабатларини бюллетенда овоз бериш орқали билдиришларини сўради.

Ушбу масала юзасидан овоз бериш натижалари:

“Ёклаганлар” – 4 057 610 та овоз; “Қаршилар”- йўқ; “Бетарафлар”- йўқ.

Нотўғри тўлдирилган бюллетенлар йўқ.

Кун тартибидаги ўн иккинчи масала бўйича акциядорларнинг йиллик умумий йиғилиши қарор қилади:

1. Жамиятнинг 2020 йил учун мўлжалланган бизнес-режаси 4-иловага мувофиқ тасдиқлансин.

Кун тартибидаги ўн учинчи масала бўйича йиғилишда раислик қилувчи Ш.Курбанов сўз олди ва жамият кузатув кенгаши аъзоларини сайлаш учун жамиятнинг 2 567 840 дона акция эгаси “Сурхондарёпахтасаноат” ХАБ АЖ томонидан кўрсатилган номзодлар, 170 590 дона оддий акция эгаси Базарбаева Нигора Рахимжановна томонидан кўрсатилган номзодлар тўғрисида маълумот берди.

Унга асосан Миралиев Алишер Эркинович –Давлат активларини бошқариш агентлиги, Департамент бошлиғи, Халбаев Тўрамурод Жайлович –Давлат активларини бошқариш агентлиги, Сурхондарё вилояти ҳудудий бошқармаси, Бош мутахассис, Турсунов Фахриддин Иброхимович -“Ўзпахтасаноат” АЖ Бош мутахассиси, Искандаров Искандар Рустамович - “Ўзпахтасаноат” АЖ, Бошқарув раисининг ўринбосари, Гулямов Нигматулло Кадирович-“Сурхондарё пахта минтакавий терминали ” МЧЖ Қимматли қўғозлар бўйича иқтисодчи, Маматқулов Қаҳромон Нарзуллаевич - Давлат активларини бошқариш агентлиги, Сурхондарё вилояти ҳудудий бошқармаси, Бошқарма бошлиғи ўринбосари, Абдурахмонов Мухиддин Раҳматуллаевич – “Давр мезони” МЧЖ муҳбири, Қайумов Маҳмуд Маннонович–Депозитарий “Сурхондарё ВАҚТ” МЧЖдиректори, Базарбоева Нигора Раҳимжановна–уй бекаси акциядор, акциядорлар номзодлари белгиланган тартибда кузатув кенгаши таркибига сайланиши учун кўрсатилган ва кумулятив овоз бериш бўйича бюллетенларига киритилган.

Муҳокамадан сўнг, йиғилишда раислик қилувчи Ш. Курбанов акциядорлардан кузатув кенгашига кўрсатилган номзодларни сайлаш учун ўз муносабатларини кумулятив овоз бериш бўйича тузилган бюллетенлар орқали билдиришларини сўради.

Ушбу масала юзасидан овоз бериш натижалари:

“Сурхондарёпахтасаноат” ХАБ АЖ томонидан кўрсатилган номзодлардан:

Миралиев Алишер Эркиновичга:

“Ёқлаганлар” –3 594 976 та овоз; “Қаршилар”- йўқ; “Бетарафлар”- йўқ.

Нотўғри тўлдирилган бюллетенлар йўқ.

Халбаев Тўрамурод Жайловичга:

“Ёқлаганлар” –3 594 976 та овоз; “Қаршилар”- йўқ; “Бетарафлар”- йўқ.

Нотўғри тўлдирилган бюллетенлар йўқ.

Турсунов Фахриддин Иброхимовичга:

“Ёқлаганлар” –3 601 416 та овоз; “Қаршилар”- йўқ; “Бетарафлар”- йўқ.

Нотўғри тўлдирилган бюллетенлар йўқ.

Искандаров Искандар Рустамович

“Ёқлаганлар” –3 594 976 та овоз; “Қаршилар”- йўқ; “Бетарафлар”- йўқ.

Нотўғри тўлдирилган бюллетенлар йўқ.

Гулямов Нигматулло Кадировичга:

“Ёқлаганлар” –3 624 376 та овоз; “Қаршилар”- йўқ; “Бетарафлар”- йўқ.
Нотўғри тўлдирилган бюллетенлар йўқ.

Маматкулов Қаҳромон Нарзуллаевичга:

“Ёқлаганлар”-йўқ; “Қаршилар”-йўқ; “Бетарафлар”-йўқ.
Нотўғри тўлдирилган бюллетенлар йўқ.

Базарбаева Нигора Раҳимжановна томонидан кўрсатилган номзодлардан
Қаюмов Махмуд Манноновичга:

“Ёқлаганлар” –3 808 875 та овоз; “Қаршилар”- йўқ; “Бетарафлар”- йўқ.
Нотўғри тўлдирилган бюллетенлар йўқ.

Абдурахмонов Муҳиддин Раҳматуллаевичга:

“Ёқлаганлар” –йўқ; “Қаршилар”- йўқ; “Бетарафлар”- йўқ.
Нотўғри тўлдирилган бюллетенлар йўқ.

Базарбаева Нигора Раҳимжановнага:

“Ёқлаганлар” –3 808 875 та овоз; “Қаршилар”- йўқ; “Бетарафлар”- йўқ.
Нотўғри тўлдирилган бюллетенлар йўқ.

Кун тартибидаги ўн учинчи масала бўйича акциядорларнинг йиллик умумий йиғилиши қарор қилади:

Жамият кузатув кенгаши аъзолигига қуйидагилар сайлансин:

“Сурхондарёпахтасаноат” ХАБ АЖ томонидан кўрсатилган номзодлардан:

1. Миралиев Алишер Эркинович – Давлат активларини бошқариш агентлиги, Департамент бошлиғи,
2. Халбаев Тўрамурад Жайлович – Давлат активларини бошқариш агентлиги, Сурхондарё вилояти ҳудудий бошқармаси, Бош мутахассис,
3. Турсунов Фахриддин Иброҳимович - “Ўзпахтасаноат” АЖ Бош мутахассиси,
4. Искандаров Искандар Рустамович - “Ўзпахтасаноат” АЖ, Бошқарув раисининг ўринбосари,
5. Гулямов Нигматулло Кадирович - “Сурхондарё пахта минтакавий терминали ” МЧЖ Қимматли қозғалар бўйича иқтисодчи,

Базарбаева Нигора Раҳимжановна томонидан кўрсатилган номзодлардан:

1. Қаюмов Махмуд Маннонович - "DAVINBROK" МЧЖ директори;
2. Базарбаева Нигора Раҳимжановна –уй бекаси, акциядор.

Кун тартибидаги ўн тўртинчи масала бўйича йиғилишда раислик қилувчи Ш.Курбанов сўз олди ва жамият тафтиш комиссияси аъзоларини сайлаш учун жамиятнинг 2 567 840 дона акция эгаси “Сурхондарёпахтасаноат” ХАБ АЖ томонидан кўрсатилган номзодлар ва жамият акциядори 170 590 дона акция эгаси Базарбаева Нигора Раҳимжановна томонидан кўрсатилган номзод тўғрисида маълумот берди.

1. Исломов Акмал Ҳақимович -"Сурхондарёпахтасаноат ҳудудий филиали" МЧЖ директори.

2. Чариев Комил Абдуллаевич - Қимматли қоғозлар бозорини мувофиқлаштириш ва ривожлантириш маркази Сурхондарё вилоят ҳудудий бошқармаси мутахассиси;

3. Сатторов Махмудхон Мухаммадиевич - "Сурхондарё минтақавий пахта терминали" МЧЖ, Ички назорат ва мониторинг бўлими бош мутахассиси.

4. Қодиров Ўткирбек Фозилович - "Сурхондарё минтақавий пахта терминали" МЧЖ, Юк ҳужжатлари билан ишлаш оператори.

Муҳокамадан сўнг, йиғилишда раислик қилувчи Ш.Курбанов акциядорлардан тафтиш комиссиясига кўрсатилган номзодларни сайлаш учун ўз муносабатларини бюллетенда овоз бериш орқали билдиришларини сўради.

"Сурхондарёпахтасаноат" ХАБ АЖ томонидан кўрсатилган номзодлардан:

Исломов Акмал Хакимжановичга;

"Ёқлаганлар" – 4 057 610 та овоз; "Қаршилар" - йўқ; "Бетарафлар" - йўқ. Нотўғри тўлдирилган бюллетенлар йўқ.

Чариев Комил Абдуллаевичга;

"Ёқлаганлар" – 4 057 610 та овоз; "Қаршилар" - йўқ; "Бетарафлар" - йўқ. Нотўғри тўлдирилган бюллетенлар йўқ.

Базарбаева Нигора Рахимжановна томонидан кўрсатилган номзодлардан:

Қодиров Ўткирбек Фозилович:

"Ёқлаганлар" - 4 057 610 та овоз; "Қаршилар" - йўқ; "Бетарафлар" - йўқ. Нотўғри тўлдирилган бюллетенлар йўқ.

Кун тартибидаги ўн тўртинчи масала бўйича акциядорларнинг йиллик умумий йиғилиши қарор қилади:

Жамият тафтиш комиссияси аъзолигига қуйидагилар сайлансин:

"Сурхондарёпахтасаноат" ХАБ АЖ томонидан кўрсатилган номзодлардан:

1. Исломов Акмал Хакимович - "Сурхондарёпахтасаноат ҳудудий филиали" МЧЖ директори.

2. Чариев Комил Абдуллаевич - Қимматли қоғозлар бозорини мувофиқлаштириш ва ривожлантириш маркази Сурхондарё вилоят ҳудудий бошқармаси мутахассиси;

3. Қодиров Ўткирбек Фозилович - "Сурхондарё минтақавий пахта терминали" МЧЖ, Юк ҳужжатлари билан ишлаш оператори.

Кун тартибидаги ўн бешинчи масала бўйича йиғилишда раислик қилувчи Ш. Курбанов жамиятнинг бош директори в.в.б Д.Худайкуловга сўз берди.

Ўзбекистон Республикаси Вазирлар Маҳкамасининг 2020 йил 14 майдаги 02/1-668-сонли "Ўзбекистон Республикаси Президентининг 2020 йил 6 мартдаги "Пахтачилик соҳасида бозор тамойилларини кенг жорий этиш чора-тадбирлари тўғрисида"ги ПҚ-4633-сон қарорига мувофиқ пахтачиликда бозор тамойиллари жорий этилиши муносабати билан "Ўзпахтасаноат" АЖни тугатиш бўйича "Йўл харита"сининг 1-банди "Ўзпахтасаноат" АЖ тугатиш комиссияси томонидан бажариладиган тадбирлар белгиланди.

Хусусан, “Ўзпахтасаноат” АЖ тизимидаги корхоналар ёки уларнинг активларини олиш истагини билдирган инвесторлар билан музокаралар ўтказиш, уларнинг таклифлари асосида объектнинг бошланғич нархини шакллантириш ва шу бошланғич шарт сифатида танлов савдоларига чиқариш, оммавий савдоларга икки ой муддат мобайнида таклиф этиш орқали Давлат тендер комиссияси қарори асосида сотиш чоралари кўриш “Ўзпахтасаноат” АЖ тугатиш комиссиясига топширилди.

Шунингдек Ўзбекистон Республикаси Давлат активларини бошқариш агентлигининг 2020 йил 8 майдаги “Ўзпахтасаноат” АЖни тугатишни жадаллаштириш бўйича 383/01-08-сонли хати билан “Ўзпахтасаноат” АЖ тизимидаги соҳавий ва носоҳавий активларни белгиланган тартибда сотишни ташкиллаштириш юзасидан берилган таклифларига Ўзбекистон Республикаси Вазирлар Маҳкамасидан розилик (02/1-668-сонли, 11.05.2020 й.) олинди.

Шу муносабати билан “Ўзпахтасаноат” АЖ тугатиш комиссиясининг 2020 йил 18 майдаги мажлис қарори билан “Ўзпахтасаноат” АЖ ва унинг тизим корхоналарининг активлари (кўчмас мулк, акция (улуш) пакетлари)ни ошқора савдоларга чиқариш ёки Давлат тендер комиссиясининг қарорига асосан тўғридан-тўғри сотиш” Тартиби тасдиқланди (тартиб нусхаси илова қилинди).

Мазкур Тартиб “Ўзпахтасаноат” АЖ ва унинг тизим корхоналарининг инвестиция портфелидаги акция (улуш)ларни, шунингдек улар балансидаги кўчмас мулк объектларини тасарруф этиш мезонлари ва сотиш жараёнларининг ягона қоидаларини белгилаш орқали уларни соддалаштириш асосида тугатилаётган “Ўзпахтасаноат” ва унинг тизим корхоналарининг активларини тезкор сотилишини ташкиллаштиришга қаратилган.

Ўзбекистон Республикаси Президентининг 2020 йил 6 мартдаги ПҚ-4633-сон қарори, “Йўл харитаси”да белгиланган чора-тадбирлар ва Ўзбекистон Республикаси Бош вазирининг 2020 йил 11 майдаги 02/1-668-сонли топшириғи ижросини таъминлаш ҳамда “Ўзпахтасаноат” АЖ ва унинг тизим корхоналарининг активлари сотилиши ва самарали фойдаланишини жадаллаштириш мақсадида Ўзбекистон Республикаси Давлат активларини бошқариш агентлигининг 2020 йил 22 майдаги 418/01-08-сонли хати билан “Ўзпахтасаноат” АЖ тизим корхоналарининг активларини тасдиқланган Тартиб асосида оммавий савдоларга чиқарилишини, шу жумладан активларни оммавий савдоларга чиқариш масаласи бўйича тизим жамиятларининг бошқарув органлари қарорларини қабул қилиниши ташкиллаштириш, бошқарув органлари қарорлари қабул қилинган кундан бошлаб уч кунлик муддатда активларни оммавий савдоларга чиқарилишини таъминлаш сўралган.

Юқоридагилардан келиб чиқиб “Жаркўргон пахта тозалаш” АЖ активлари (кўчмас мулк, акция (улуш) пакетлари)ни ошқора савдоларга чиқариш ёки Давлат тендер комиссиясининг қарорига асосан тўғридан-тўғри сотишни ташкил қилиш юзасидан қуйидагилар таклиф этилди:

“Ўзпахтасаноат” АЖ тугатиш комиссиясининг 2020 йил 18 майдаги мажлис қарори билан тасдиқланган “Ўзпахтасаноат” АЖ ва унинг тизим корхоналарининг активлари (кўчмас мулк, акция (улуш) пакетлари)ни ошқора савдоларга чиқариш ёки Давлат тендер комиссиясининг қарорига асосан тўғридан-тўғри сотиш” Тартибига асосан сотилишига розилик бериш;

Активларнинг сотилишини максимал ошкоралигини таъминлаш, шу жумладан:

сотилиши мўлжалланган активлар тўғрисида маълумотларни (эълон, плакат, инфографика, ролик) етарли миқдорда тайёрлаш;

сотилиши мўлжалланган активлар тўғрисида маълумотлардан барча манфаатдор шахслар хабардор бўлишини таъминлаш мақсадида кенг қамровли тарғибот-ташвиқот ишларини ташкил қилиш, бунда жамият жойлашган ҳудуд билан чегараланмаган ҳолда республика, имконият бўлса халқаро миқёсда тадбирларни амалга ошириш;

талабгорлардан таклифларни қабул қилинишини белгиланган тартибда ташкил этиш ва таклифлар тўғрисидаги жамланма маълумотларни “Ўзпахтасаноат” АЖ тугатиш комиссиясига киритиб бориш;

Йиғилиш раиси Ш.Қурбонов акциядорларга кун тартибидаги мазкур кун масала бўйича ўз муносабатларини бюллетенда овоз бериш орқали билдиришни таклиф этди.

Йиғилишда раислик қилувчи Ш.Қурбанов акциядорларга жамиятнинг янги тахрирдаги Низомларини маъқуллашни ва ўз муносабатларини бюллетенда овоз бериш орқали билдиришни таклиф этди.

Ушбу масала юзасидан овоз бериш натижалари:

**“Ёқлаганлар” – 2 603 680 та овоз; “Қаршилар”-1 453 930 та овоз;
“Бетарафлар”- йўқ. Нотўғри тўлдирилган бюллетенлар йўқ.**

Кун тартибидаги ўн бешинчи масала бўйича акциядорларнинг йиллик умумий йиғилиши қарор қилади:

1. “Ўзпахтасаноат” АЖ тугатиш комиссиясининг 2020 йил 18 майдаги мажлис қарори билан “Ўзпахтасаноат” АЖ ва унинг тизим корхоналарининг активлари (кўчмас мулк, акция (улуш) пакетлари)ни ошкора савдоларга чиқариш ёки Давлат тендер комиссиясининг қарорига асосан тўғридан-тўғри сотиш Тартиби ҳамда Ўзбекистон Республикаси Давлат активларини бошқариш агентлигининг 2020 йил 22 майдаги 418/01-08-сонли хати маълумот ва ишда фойдаланиш учун қабул қилинсин.

4. “Ўзпахтасаноат” АЖ тугатиш комиссиясининг 2020 йил 18 майдаги мажлис қарори билан тасдиқланган “Ўзпахтасаноат” АЖ ва унинг тизим корхоналарининг активлари (кўчмас мулк, акция (улуш) пакетлари)ни ошкора савдоларга чиқариш ёки Давлат тендер комиссиясининг қарорига асосан тўғридан-тўғри сотиш Тартибига асосан сотилишига розилик берилсин.

5. “Жарқўрғон пахта тозалаш” АЖ бош директори:

ўтказилган хатлов натижаларига кўра аниқланган активларнинг сотиш тартибини белгилаган ҳолда алоҳида гуруҳларга ажратиш;

қиймати қонунчиликда белгиланган йирик битимни ташкил этувчи активларни (мол-мулк, акция (улуш) пакетлари)ни амалдаги қонунчиликда белгиланган тартибда жамиятнинг ваколатли боошқарув органи қарорига асосан сотилишини таъминлаш;

активларнинг сотилишини максимал ошкоралигини таъминлаш, шу жумладан:

сотилиши мўлжалланган активлар тўғрисида маълумотларни (эълон, плакат, инфографика, ролик) етарли миқдорда тайёрлансин;

сотилиши мўлжалланган активлар тўғрисида маълумотлардан барча манфаатдор шахслар хабардор бўлишини таъминлаш мақсадида кенг камровли тарғибот-ташвиқот ишлариини ташкил қилиш, бунда жамият жойлашган ҳудуд билан чегараланмаган ҳолда республика, имконият бўлса халқаро миқёсда тадбирларни амалга оширилсин;

талабгорлардан таклифларни қабул қилинишини белгиланган тартибда ташкил этиш ва таклифлар тўғрисидаги жамланма маълумотларни “Ўзнахтасаноат” АЖ тугатиш комиссиясига киритиб бориш вазифалари топширилсин.

Кун тартибидаги ўн олтинчи масала бўйича йиғилишда раислик қилувчи Ш.Курбанов сўзни жамият бош директори в.в.б Д.Худайкуловга берди.

Д.Худайкулов сўзга чиқиб. “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Ўзбекистон Республикаси Қонунининг 88-моддасига асосан жамиятнинг акциядорларнинг умумий йиғилиши аффилиланган шахс билан келгусида жамият томонидан кундалик хўжалик фаолияти жараёнида акциядорларнинг кейинги йиллик умумий йиғилишигача бўлган даврда тузилиши мумкин бўлган битимни (битимларни) маъқуллаш ҳақида қарор қабул қилишга ҳақлилигини айтди ва акциядорлар эътиборига жамиятнинг аффилиланган шахслари билан келгусида жамият томонидан кундалик хўжалик фаолияти жараёнида акциядорларнинг кейинги йиллик умумий йиғилишигача бўлган даврда тузилиши мумкин бўлган битимлар рўйхатини 5-иловага мувофиқ ҳавола этди.

Йиғилишда раислик қилувчи Ш.Курбанов акциядорларга кун тартибидаги мазкур масала бўйича ўз муносабатларини бюллетенда овоз бериш орқали билдиришни таклиф этди.

Ушбу масала юзасидан овоз бериш натижалари:

“Ёқлаганлар” – 2 603 680 та овоз; “Қаршилар”-1 453 930 та овоз;
“Бетарафлар”- йўқ. Нотўғри тўлдирилган бюллетенлар йўқ.

1. Ўзбекистон Республикаси “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Қонунининг 60-моддасига асосан акциядорларнинг умумий йиғилишида иштирок этаётган овоз берувчи акцияларнинг эгалари бўлган акциядорларнинг тўртдан уч қисмидан иборат кўпчилик (малакали кўпчилик) овози билан қабул қилинмаганлиги сабабли ушбу масала бўйича акциядорлар умумий йиғилиши томонидан қарор қабул қилинмади.

Кун тартибидаги ўн еттинчи масала бўйича йиғилишда раислик қилувчи Ш.Курбанов сўзни жамият молиявий масалалар бўйича директори Р.Турсуновга берди.

Р.Турсунов акциядорларга жамият томонидан 2019 йил давомида амалга оширилган хомийликлар тўғрисида акциядорларга ахборот берди (маълумот 6-илова қилинади).

Муҳокамада жамият бош директор в.в.б Д.Худайкулов иштирок этиб, ҳар бир хомийлик мақсадли равишда Ҳукумат дастурлари асосида амалга оширилганлигини таъкидлаб, 2019 йилда 203 000 000 сўмлик хомийликларни рўйхатга асосан тасдиқланишинихамда жамият харажатиға олиб боришга розилик берилишини йиғилиш иштирокчиларидан сўради.

Йиғилишда раислик қилувчи Ш.Курбанов акциядорларга мазкур кун тартибидаги масала бўйича ўз муносабатларини бюллетенда овоз бериш орқали билдиришни таклиф этди.

Ушбу масала юзасидан овоз бериш натижалари:

“Ёқлаганлар” –2 603680 та овоз; “Қаршилар”–1 453 930 та овоз;

“Бетарафлар”- йўқ.Нотўғри тўлдирилган бюллетенлар йўқ.

Кун тартибидаги ўн еттинчи масала бўйича акциядорларнинг йиллик умумий йиғилиши қарор қилади:

1. Жамият томонидан 2019 йил давомида амалга оширилган хомийликлар рўйхати 6-иловага мувофиқ тасдиқлансин ва жамият харажатиغا олиб борилсин.

Кун тартибидаги ўн саккизинчи масала бўйича йиғилишда раислик қилувчи Ш.Курбанов сўзни жамиятнинг молиявий масалалар бўйича директори Р.Турсуновга берди.

Р.Турсунов сўзга чиқиб, жамиятнинг дебиторлик ва кредиторлик қарздорликлари бўйича қарздорлик тахлилини ўтказувчи ишчи-гуруҳи томонидан тасдиқланган хулосасига асосан қонунчиликда белгиланган даъво муддати ўтган жамиятнинг 31 849 000 сўмлик дебиторлик ҳамда 96 641 000 сўмлик кредиторлик қарзлари мавжуд ва ушбу даъво муддати ўтган дебиторлик ва кредиторлик қарздорликларни ҳисобдан чиқаришни кўриб чиқиш ҳамда бухгалтерия хужжатларида тегишли ёзувларни киритиш таклифини берди.

Йиғилишда раислик қилувчи Ш.Курбанов акциядорларга мазкур кун тартибидаги масала бўйича ўз муносабатларини бюллетенда овоз бериш орқали билдиришни таклиф этди.

Ушбу масала юзасидан овоз бериш натижалари:

“Ёқлаганлар” –2 603 680 та овоз; “Қаршилар”–1 453 930 та овоз;

“Бетарафлар”–йўқ. Нотўғри тўлдирилган бюллетенлар йўқ.

Кун тартибидаги ўн саккизинчи масала бўйича акциядорларнинг йиллик умумий йиғилиши қарор қилади:

1. Жамиятнинг қонунчиликда белгиланган даъво муддати ўтган 31 849 000 сўм дебиторлик ва 96 641 000 сўмлик кредиторлик қарздорликлар 7-иловадаги рўйхатга мувофиқ ҳисобдан чиқарилсин ҳамда бухгалтерия хужжатларига тегишли ёзувлар киритилсин.

Йиғилишда раислик қилувчи:

Ш. Курбанов

Йиғилиш котиби:

Ш.Баратов



Йиғилиш баённомаси 2020 йил 22 август куни икки нусхада тузилди.